

宋遼金元四史資料叢刊
趙鐵寒教授主編

渤海國志

渤海國志
渤海國記
渤海國志長編
渤海疆域考
渤海史考

文瀾出版社
有限公司印行

K24
Z320

宋遼金元四史資料叢刊
趙鐵寒教授主編

渤海國志

渤海國志
渤海國記
渤海國志長編
渤海疆域考
渤海史考

江苏工业学院图书馆
藏書章

文海出版社有限公司印行

中華民國六十六年十二月再版

宋遼金元四史資料叢刊 (一)

渤海國志

精裝：一冊

定價：新台幣五百元正

主編者：趙鐵寒

發行人：李振華

臺北縣永和鎮中興街99巷8號

出版者：文海出版社有限公司

郵政劃撥戶第二七八四號

電話：九二一二六五九號
三四一六九二八號

印刷者：東南印製廠有限公司

台北市西園路294巷15弄17號

經銷者：全省各大書局

行政院新聞局出版事業登記證局版台業字第〇四四九號

己未仲夏



渤海國志

察罕升允題



渤海國志目錄 末目錄

唐 宴：渤海國志四卷 十卷

黃維翰：渤海國記三卷 諸論

金毓黻：渤海國志長編二十卷 一二一

（朝鮮）徐相雨：渤海疆域考二卷 四五七

（日本）津田左右吉：渤海史考 四七五

以上共收書五種

序

光緒壬午京兆試得人稱盛陶齋結纓於資州素菴采薇於膠島其屈抑副車崎嶇薄宦而能以文章忠義相與頡頏者則瓜爾佳元素司馬其人也司馬少時隨侍式梁先生於揚郡及見何子貞太史長返都門從濮青士太守講詞章張叔憲駕部談書畫嗣復出吳縣潘文勤之門遂深於金石考據之學水曹事暇有書人輯略之編京輦舊聞有天咫偶聞之刻論詩則有香奩集發微攷史則有洛陽伽藍記鉤沈授讀龍溪鄭氏爲刻叢書其兩漢三國學案成於斯時鄭氏爲之付梓著作等

渤海國志序

一求恕齋

身卓然爲滿洲文學之後勁位雖不達名則遠聞近復出渤海國志見眎不以鍾義爲不學謬使校訂竊謂吾鄉先正輿地之學不乏專書如圖瑤圃七椿園和簡勤松文清類皆使車所至哀輟見聞其成書爲較易元素儉德辟難家鮮藏籍滄俗吝嗇一紙鮮借渤海故實荒遐以之問人多瞠目撝舌而不知所對期月之間遽能巨帙裒然斯爲神勇陶齋已矣素菴憂傷憔悴神明未衰他日海天清晏兩君儻單車襜褕作健東游過畢郢之舊京訪漢唐之遺跡耳目所及當有補原著所不及者鍾義未老尙能操不律而從其後也已未秋九月尼

之暢然況見見聞聞者邪吾知先生不能無感也歲在己未閏七夕吳興劉承幹序於嘉業堂

渤海國志序

二求恕齋

渤海國志序

昔邵陽魏源著開龍國興記謂遼東青海外爲營州有古孤竹之墟肅慎氏之國孤竹在今遼西肅慎則今遼東吉林寧古塔其地自唐爲渤海而鄒多里城去寧古塔三百餘里 聖清發祥之地也渤海建國垂三百年雖迭有廢興而苗裔弗絕終以寢盛流澤滋長也亦神皋靈秀所鍾與涉江先生抗行而希古博辯以披文自丁世述孤窮介潔常懷惕於世變之日紛危亂之日亟以爲人禽慘黷網維潰崩有不勝其深悲隱痛者其所述作皆有關世運之盛衰非苟爲閎麗恢張者比也今

渤海國志序


一求恕齋

年成渤海國志四卷曰原始曰紀年曰後紀年凡爲志者八表二列傳三上溯肅慎之始下迄金源滿洲莫不詳載自有此作而渤海一國之史乘乃備焉已國家不幸使邪說橫流凶豎搖毒倡爲離析滿漢之風遂覆宗社使知肅慎肇封遼隆三后以至興京毓聖天遂方昌或者猖狂之說悖逆之行不至是極乎抑余尤有感者數年以來人嗟蕩析愁憂感奮計且無聊回溯盛時若嬰兒之慕慈母游子之悲故鄉有莫知其所以然者先生以是編付余梓諸叢刻中盡虞其散佚也莊生曰舊國舊都望之暢然雖使邱林草木之繒入之者十九猶

堪楊鍾義序

渤海國志序

二求恕齋



渤海國志目錄

卷一

原始

紀年

後紀年

卷二

地理志

職官志

輿服志

禮樂志

詞命志

姓氏志

風俗志

物產志

卷三

朝貢表

征戰表

卷四

同姓列傳

異姓列傳

子遺列傳

渤海國志目錄

一求恕齋

率寶唐 晏纂

吳興劉承幹校

原始

渤海古肅慎也虞舜紹堯首服德化大戴禮記孔子之對謂之四海成王嗣世來賀卽位尙書存賄肅慎之命列於諸侯故周襄王之告諸侯肅慎與燕亳並稱其爲封建之國等於箕子之封朝鮮太伯之封句吳焉暨乎漢武滅朝鮮以其地爲眞番臨屯樂浪元菟四郡而肅慎之地遂在封域之中東漢以後一隔於公孫淵再淪

渤海國志卷一

求恕齋

於慕容皝於是夫餘句驪濊貊沃沮爭起而據之昔之形勢始變厥後有挹婁勿吉靺鞨之異稱實則不過一部之名而肅慎之爲肅慎初未嘗變及夫唐初舍利氏自立爲震國王唐中宗因封爲渤海郡王而渤海之名肇矣建國將三百年初滅於契丹再阨於金源重興於滿洲雖遷變不恆而爲肅慎之苗胄則終古未變也考渤海出於勿吉勿吉之在南北朝共分七部一曰粟末部與高麗接二曰伯咄部在粟末北三曰安車骨部在伯咄東四曰拂涅部在伯咄東五曰室韋部在拂涅東六曰黑水部在安車骨部西北七曰白山部在粟末東

者而紬繹其廢興存亡亦足以資鑒於後世矣

紀年

高王祚榮姓大氏舍利乞乞仲象之子也一統志作齊齊克仲象

其先爲女眞粟末部人粟末因粟末水以爲號卽今松

花江也初附於高麗唐高宗時李世勣滅高麗仲象率

眾保挹婁之東牟山讀史方輿紀以山在瀋州衛東二十里按瀋州今奉天世勣滅高麗

直抵王都仲象若保瀋州山則應在其北何以云東保

挹婁故地爲渤海之定理府在今鐵嶺以南則東牟

者卽盛京之東以泥河爲境東窮海西鄰契丹築城郭

以居高麗通殘稍歸之萬歲通天中契丹李盡忠殺營

南渤海之先出於粟末部姓舍利氏及封渤海改姓大

氏降及遼金大氏猶有子遺其入高麗者易姓王氏昔

唐張建章有渤海國記三卷見於唐志久已不傳爾後

諸書略及一二獨唐書及策府元龜所載渤海遺聞尙

夥國朝本之以成滿州源流考下及契丹國志大金

國志松漠記聞通志五代會要東國通鑒諸書各有傳

述然卒無臚陳渤海一國之事以爲成書者余不自揆

竊援昔人契丹國志大金國志之例網羅放失整比舊

聞俾後之人得以上考肅慎下接金源滿洲竟委窮原

了如指掌足知一代之興其聲名文物蓋有有開必先

渤海國志卷一

二求恕齋

遼水保大白山即長白山之東北依粵婁河一統志作鄂羅河

班和托峰一流入哈達河一統志作鄂羅河

公仲象為震國公赦其罪比羽不受命后詔玉鈴衛大

將軍李楷固中郎將索仇擊斬之時仲象已死祚榮引

殘夷逝去楷固窮躡度天門嶺此嶺當在長白山以東或即錫赫特山北大嶺

祚榮因高麗靺鞨兵拒楷固楷固敗還時契丹附突厥

唐師道梗祚榮即并比羽之眾恃荒遠乃自號震國王

遣使交突厥地方五千里戶十餘萬勝兵數萬盡得扶

餘沃沮并韓朝鮮海北諸國地唐武后聖歷中稱臣朝

貢中宗時唐遣張行岌來遂遣子門藝入侍睿宗遣使

渤海國志卷一

三求怨齋

拜王為左驍衛員外大將軍渤海郡王領忽汗州都督

國稱渤海元宗開元中薨諡曰高王唐遣使來弔祭

王武藝初封桂婁郡王既立斥大土宇東北諸夷畏之

唐賜典冊襲封王爵并所領始改元曰仁安未幾北方

黑水靺鞨即金之先世朝唐唐以其地建黑水州以其

首領為黑水都督諸部刺史屬焉唐置長史就其部落

監領之王乃遣其弟門藝及舅任雅相擊黑水門藝固

諫乃遣從兄壹夏代之門藝殺之而奔唐王乃上書於

唐請殺門藝唐不從後十年王遣大將張文休攻登州

萊州殺刺史韋俊唐命新羅王金興光來攻南境不能

克按韓昌黎集烏石廟碑渤海至上馬都山吏民逃役

深皆三丈寇不得進民還其居黑水室韋以騎五千來

寧海軍副使從討靺鞨表有云陛下新有制加本國厥

後王亦悔過上表歸伏令大成慶等入朝且表突厥遣

使求合擬會攻奚及契丹王欲執送其使唐不許王薨

諡武王

王欽茂開元二十六年立改元大興遣使如唐寫唐禮

及三國志及三十六國春秋赦境內徙都上京直舊都

三百里忽汗河之東事在天寶末年按光緒中有人於渤海王大武藝墓磚余曾得其拓本係陽文隸書有渤海大興某年字以此考之則文王未遷以前渤海實都

西京故武王亦葬西京先是天寶中加王特進太子詹事肅宗大歷中又進檢校司空寶應元年晉太尉王以日本舞女十二人獻於唐貞元中徙都東京即龍原府在南海濱

渤海國志卷一

四求怨齋

王薨諡文王

王華璵文王之孫先是文王世子宏臨蚤卒族弟元義

立一年猜虐國人弑之而立成王改元中興還都上京

薨諡成王

王嵩璘成王子唐會要作文王初冊為郡王改元正歷

唐授右驍衛大將軍忽汗州都督貞元十四年加銀青

光祿大夫校司空貞元間薨諡康王

光祿大夫校司空貞元間薨諡康王

光祿大夫校司空貞元間薨諡康王

光祿大夫校司空貞元間薨諡康王

王元瑜康王子改元永德唐冊爲銀青光祿大夫檢校秘書監忽汗州都督諡定王

王言義定王之弟初爲權知國事卽位改元朱雀薨諡僖王

王明忠僖王之弟改元太始薨諡簡王

王仁秀簡王之從父也其四世祖野勃高王之弟也改元建興南定新羅討伐海北諸部開大境宇唐詔進金

紫光祿大夫司空元和四年薨諡宣王

王彝震宣王之孫也宣王子德新蚤卒初爲權知國事既乃立之改元咸和唐太和七年遣學生赴唐上都學

渤海國志卷一

五求怨齋

問先所遣學生三人事業稍成請歸本國會昌中薨諡缺

王虔晃彝震之弟薨年及諡缺

王元錫缺

王諲譔開平元年遣使至梁時東北諸夷皆役屬契丹惟渤海不服契丹主謀寇燕恐渤海倚其後乃先舉兵擊渤海後唐同光元年冬十月遼舉兵來伐不克而退天成元年冬十月遼又來伐二年正月攻破夫餘城守將死之王命老相將兵迎敵大敗丙寅遼兵圍忽汗城辛未王素服縶索牽羊率臣三百餘人出降丙子遼人

入城接軍器者爲邏卒所殺遼主怒攻城城破遂俘王以歸於上京西築城以居之賜名烏魯古妃曰阿里只世子光顯與將軍申德禮部卿大和鈞司政大元鈞工部卿大福謨左右衛將軍大審理工部卿吳興檢校開國男朴漁小校冒豆干率其餘眾前後奔高麗共數萬戶高麗王錫光顯姓名曰王繼附之宗籍使奉其祀僚屬皆賜爵渤海遂亡

以上皆本之兩唐書及冊府元龜通鑑唐會要五代會要東國通鑑

書等

論曰乞乞仲象以敗亡之餘走險自保同太王之去邠

高王祚榮以席業之資剪棘開基類句踐之興越及幅

渤海國志卷一

六求怨齋

幘既建乃以文德修之改制度建官號列郡縣又克盡事大之禮遣寫書之官遂得比跡中原抗手上國方域至五千里祚國至三百年當時四方殆無逾之者亦云盛矣厥後移刺氏暴興遂其蠶食臥榻之旁遂不能不醒長宵之夢矣此事雖代代不免然殷墟夢秀周室黍離溯其遺聞固有千秋同慨者昔屈靈均云孰兩東門之可無劉更生曰人君莫不欲安然而常危莫不欲存然而常亡夫二子之言誠沈痛矣而亦卒無救於國者豈非以存亡之故起於人事成於天命而竟非區區口舌所能措置於其間耶嗚呼然而金輪初封仲象爲震

國公帝出乎震遂以肇完顏愛新之基天命所歸於茲兆矣

後紀年

契丹天顯元年三月安邊定理鄭頡三府不肯臣遼而復爲渤海契丹遣安端攻下之誅其帥二人五月辛酉南海定理二府復舉兵契丹遣堯骨即太宗舊名攻之六月破之七月鐵州刺史衛鈞舉兵堯骨攻拔之遼史唐天成元年即遼天顯元年四月遣使大陳琳等百六十人進兒女口三及人參昆布白附子虎皮等於唐七月使人大昭佐等六人朝唐十一月渤海王弟部領兵士攻圍夫餘府

渤海國志卷一

七求恕齋

城不能克遼遷夫餘府民以實東平其民或亡入新羅女真遼史四年遣使臣高正詞貢方物於唐長興元年正月遣平憲等朝貢於唐歸被黑水剽劫二年使文成角朝貢於唐三年正月遣使朝貢於唐清是六年遣列周義朝貢於唐冊府元龜宋太平興國四年大鸞河率小校李勛等十六人奔宋宋史六年宋賜烏舍城浮渝府瑋府王按以上諸名非渤海本有疑後有更改詔曰聞爾國爰從前代本是大藩近年以來頗爲契丹所制宜率部族來應王師朔漠之外悉以相與以將發師大舉故先告諭俾爲應也宋會要冬遣使上表曰安定國王烏元明言臣本高麗舊壤渤海

渤海國志卷一

八求恕齋

海遺黎保據方隅涉歷星紀頃歲契丹入境土攻破城寨俘掠人民臣祖考守節不降與眾避地僅存生聚以訖於今而又夫餘府昨背契丹竝歸本國災禍將至無大於斯所宜率兵助討必欲報敵元興六年十月日按據五代會要云契丹所克僅扶餘一城亦不言俘王事且此後連書遣使人貢至清泰三年似此十年中渤海初未亡者豈謬誤既虜而烏氏遂繼起如大宋復蒼石林牙之西遼者耶蓋不可考僅此一表存耳詔端拱二年遣使獻馬及雕羽鳴鏑潭化元年王子大元上表文獻通考遼統和十四年渤海燕頗等侵鐵驪道遼遣奚王和碩奴等討之不克二十一年四月遣使貢於遼太平九年八月東京舍利軍詳穩大延琳東國通鑑曰大祥榮七世囚留守駙馬蕭孝克及南陽公主殺戶部使韓紹勳等卽位曰興遼改元天慶延琳先與副留守王道平謀道平夜踰城與延琳所遣召黃龍府黃闢者俱往告於遼時蕭匹敵先率兵據要害絕其西渡之計渤海太保夏行美先戍保州延琳密書使圖其統率耶律蒲古行美反以實告蒲古遂殺渤海兵八百人而斷其東路延琳知黃龍保州皆不附遂分兵西取潘州節度副使張節聲言欲降故不急攻及知其詐而已有備不克而還時南北女真皆從延琳及諸道兵皆至東國通鑑曰興遼國太師大延定引東北女真與契丹相攻延琳嬰城固守遼燕王蕭孝穆攻

之十年八月延琳將楊祥世夜開南門納遼軍延琳遂

敗遼人遼遷渤海分居來隰遷閭等州遼史秋九月興國

鄧州刺史李匡祿赴高麗告急尋聞國亡遂留不歸東國

通鑑時去渤海之亡一百三年矣閱八十年遼天慶五六

年又有古欲及高永昌事古欲爲饒州渤海人時天祚

帝敗於女真五年二月古欲遂自稱大王遼人討之爲

古欲所敗五月又戰古欲敗績丙辰獲古欲契丹志遼東

留守蕭保先爲政酷虐六年正月朔東京裨將渤海高

永昌與數十人乘酒恃勇持刀踰垣入府衙登廳問留

守所在給云外兵變請爲備保先出眾殺之有戶部使

渤海國志卷一

九求恕齋

大公鼎亦渤海之裔登進士第聞亂作遂權留守事與

副留守高濤臣集諸奚漢兵千餘人搜索渤海數十人

殺之初三日渤海軍馬抵首山門公鼎等登門諭之不

退初五日夜城中舉火內應開門騎兵突入陣於通衢

公鼎清臣戰不能勝奪西門出奔遼永昌自稱大渤海

皇帝改元應順或作隆基據遼東五十餘州獨瀋州未下所

在奚人挈家渡遼以避之契丹志閏月貴德州守將耶律

余睹以廣州附於永昌遼史遼命宰相張琳討之旬日間

三十餘戰渤海稍卻退保東京張琳兵距城五里隔太

子河紮寨留五日糧決策破城越二日安德州軍先渡

河大軍以次繼進忽上流有渤海鐵騎五百突出其旁

遼軍不支而退保舊寨三日不得渡糧盡乃退渤海騎

兵尾襲至瀋州強壯者僅得入城老幼悉被掠遼人方

議再舉忽承女真檄文準渤海國王高永昌狀遼國張

宰相統領大軍前來討伐乞救援於義卽合應援已

約五月二十五日進兵遼人以爲渤海詐作此檄不爲

備是日東北有軍擁至將士呼曰女真至矣遂潰女真

徑入瀋州遼師旣敗女真卽攻東京永昌大敗遁入海

女真以騎三千追及於長松島按此疑卽今盛京以南各島金人旣

破城慮渤海人難制遷徙之富室安居踰二百年往往

渤海國志卷一

十求恕齋

爲園池植牡丹多至二三百本有數十榦叢生者皆燕

地所無纔以十數千或五千賤貨而去其居故地者仍

歸契丹契丹志

論曰自古國亡而人心不死末有如渤海者也始而渤

海王弟率兵攻夫餘繼而有烏元明之自王三而有太

延琳之興遼至高永昌而四矣而遼亦與之共盡是其

亡而不亡敗而不安於敗古云渤海三人敵一虎誠虎

若也哉不意完顏不仁用刈其燼亦云酷矣吾聞明萬

歷時建州左衛有王兀堂者與右衛婁啟兵爭而卒折

而入於右衛其人卽完顏氏苗裔也古云天網恢恢疏

而不失其信然乎

渤海國志卷一

十一
求恕齋

渤海國志卷一

渤海國志卷二

率賓唐 晏纂

吳興劉承幹校

地理志

上京龍泉府

即忽

龍湖渤三州

按忽汗城在今寧古塔以呼爾罕河得名一統志云寧古塔西南六十里瑚爾哈河之南有古城周三十里東西南北七門內城周五里東南西南各一門內有宮殿舊基此即渤海金上京舊城顯明可考而一統志以爲金之會寧府考金上京會寧府在阿勒楚克河拉林河之開去寧古塔三百九十里矣絕域紀略云土人名賀龍城柳邊紀略云沙蘭城在寧古塔西八十里內存石塔一石觀音一紫石碑一書類率更城北十餘里有石橋二九洞今石雖圯而柱尙存將軍使人浚井得朱渤海國志卷二

二求恕齋

漆井亭木方尺顏色甚鮮賈耽道里記云渤海王城臨忽汗海北有德理鎮

龍州領縣四

富利 長平 佐慕 肅慎

按遼史地理志太祖伐大遼遷長平民於臨潢西北是遼伐渤海實至大遼而五代史宋史通鑑通考皆以爲但拔夫餘府一城而遼史以忽汗城爲即平壤又以爲即中京顯德府均誤又以龍州即黃龍府尤誤遼志於地理最疏所考漢縣尤誤今不從之賈耽道里記云忽汗城南三十里有古肅慎城

湖州興利軍有刺史

按湖州之名當卽在今阿卜湖左右阿卜湖又名畢爾騰湖又名鏡泊

潮州清化軍有刺史領縣一

貢珍

按唐會要渤海又有德理府不見遼史而賈耽道里記則作德理鎮此或當時有所改易不可知德理之名則至今猶在但訛爲德林又名德林石在鏡泊之北滿洲源流考德林石在寧古塔西九十里大石廣二十餘里孔洞大小不可數計或圓或方或六隅八隅如井如盆如池深丈餘或數尺中有泉澄然凝碧或潛鱗游泳或中生樺榆等樹夏無蚊蚋麋鹿羣聚於中

中京顯德府領顯榮鐵湯興六州

按遼史高永昌據東京遼遣張琳討之距城五里隔太子河割寨遼東京卽渤海之中京今遼陽城北有古東京則中京顯州卽今遼陽一統志釣魚臺在遼陽州南三十里相傳爲渤海游觀之所

廬州亦曰杉廬郡領縣五

山陽 杉廬 漢陽 白巖 霜巖

渤海國志卷二

二求恕齋

按盛京通志蓋平縣南六十里有熊岳城卽金熊岳縣廬州所併也

顯州領縣五

金德 常樂 永豐 雞山 長寧

按柳邊記略遼河套在開原北舊顯州城下則顯州城至今尙在而在開原以北滿洲源流考云常樂故縣在遼陽城內長寧縣在遼陽西南蓋平之東永豐縣在海城縣西六十里遼水東岸明時有永豐堡

鐵州領縣四

位城 河端 蒼山 龍山

按五代史自錦州西行五六日過海北州又行十餘日渡遼水至渤海鐵州又按西當作東按盛京通志今蓋平縣東九十里錢場堡